

KJKP "VODOVOD I KANALIZACIJA" d.o.o. SARAJEVO
v.d.DIREKTOR
Izvod broj : 59/19

Sarajevo, 11. 7. 2019. godine

Na osnovu člana 64. stav 1. tačka b)., člana 70. stav 1. 3. i 6. Zakona o javnim nabavkama (Sl. glasnik BiH br. 39/14)), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo, te člana 41. Statuta preduzeća, na preporuku Komisije za javnu nabavku broj 59/19 od 01.07.2019. godine, u postupku javne nabavke br. 59/19 „Zamjenski kontakteri“ donosi se :

O D L U K A

o izboru najpovoljnijeg ponuđača

Član 1.

Prihvata se preporuka Komisije za javne nabavke o izboru najpovoljnijeg ponuđača broj 59/19 od 01.07.2019. godine i ugovor za javnu nabavku roba : „Zamjenski kontakteri“ – tender broj 59/19 dodjeljuje se ponuđaču: „Konvar“ d.o.o. Sarajevo ponuda broj: 3105/19-FB od 31.05.2019. godine, za ponuđenu cijenu od **84.231,20 KM** bez PDV-a, kao najbolje ocijenjenom.

Član 2.

Prijedlog ugovora o nabavci dostaviti će se na potpis izabranom ponuđaču „Konvar“ d.o.o. Sarajevo po proteku od 15 dana, računajući od dana kada su svi ponuđači obaviješteni o izboru najpovoljnijeg ponuđača.

Član 3.

Ova odluka objavit će se na web stanici www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj : OP 59/19 od 08.05.2019. godine.

Javna nabavka je provedena putem otvorenog postupka nabavke.

Procijenjena vrijednost javne nabavke bez PDV-a iznosi : 85.000,00 KM.

Obavještenje o nabavci broj : 247-1-1-71-3-149/19 poslato je na objavljivanje na Portal javnih nabavki dana 10.05.2019. godine, a sažetak obavještenja o nabavci objavljen je u Sl. glasniku BiH broj : 34. od 17.05.2019. godine.

Komisija za javnu nabavku imenovana je Rješenjem br. 21-01-01/19 od 21.01.2019. godine, Odlukom o izmjeni Rješenja o imenovanju komisije za javne nabavke broj 02-04/19 od 02.04.2019. godine, i dopunskim Rješenjem članova komisije br. 59/19-1 od 08.05.2019. godine.

Komisija za javnu nabavku dostavila je dana 05.07.2019.g. Preporuku o izboru najpovoljnijeg ponuđača broj 59/19 u postupku javne nabavke roba: „Zamjenski kontaktteri“ - tender broj 59/19. Komisija za javnu nabavku je sačinila odgovarajuće zapisnike u kojima je utvrđeno sljedeće:

- Da je ukupan broj pristiglih ponuda: 5 (pet) ponuda ponuđača: „Deling“ doo Tuzla; „Nexen“ Banja Luka; „Elcom“ doo Tuzla; „Konvar“ doo Sarajevo i „Spot 97“ doo Sarajevo

- Da je blagovremeno zaprimljeno: 5 (pet) ponuda ponuđača: „Deling“ doo Tuzla; „Nexen“ Banja Luka; „Elcom“ doo Tuzla; „Konvar“ doo Sarajevo i „Spot 97“ doo Sarajevo

- Da nije bilo neblagovremeno zaprimljenih ponuda

- Da dostavljene ponude ponuđača „Deling“ doo Tuzla, „Nexen“ Banja Luka, „Elcom“ doo Tuzla, „Konvar“ doo Sarajevo i „Spot 97“ doo Sarajevo ispunjavaju zahtjevane tenderske uslove prema obliku i potpunosti u smislu pripreme ponude.

Pregledom ponuda koja je zadovoljila uslove u formalnom smislu, Komisija je pristupila analizi dokumentacije priložene uz ponude u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće :

R. br.	Zahtjevana kvalifikaciona dokumentacija	Ponudač				
		„Deling“ doo Sarajevo	„Nexen“ Banja Luka	Elcom“ doo Tuzla	„Konvar“ doo Sarajevo	„Spot 97“ doo Sarajevo
1.	Tačka: 13 TD: Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama – Aneks IV; Prilog 3.	DA	DA	DA	DA	DA
2.	Tačka: 14.1. TD: Izjava o ispunjenosti uslova iz člana 47. st. (1) tačka a) i (4) Zakona o javnim nabavkama - Aneks V; Prilog 4.	DA	DA	DA	DA	DA
2.1.	Tačka: 14.1. TD: Potvrda banke o aktivnosti transakcijskog računa koja nije starija od tri mjeseca računajući od dana dostavljanja ponude	DA	DA	DA	DA	DA
3.	Tačka 14.3 TD: Original ili ovjerena fotokopija Aktuelnog izvoda iz sudskog registra ovjerenu od strane nadležnog organa – (Sud, Opština ili notar) ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN BiH), kojim se dokazuje da ponuđač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.	DA	DA	DA	DA	DA

Komisija konstatuje da ponuđači „Deling“ doo Tuzla, „Nexen“ Banja Luka, „Elcom“ doo Tuzla, „Konvar“ doo Sarajevo i „Spot 97“ doo Sarajevo ispunjavaju kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Pregledom ostale zahtijevane dokumentacije/aneksa-priloga, konstatovano je slijedeće:

R. br.	Ostala zahtijevana dokumentacija/aneksi-prilozi	Ponudač				
		„Deling“ doo Sarajevo	„Nexen“ Banja Luka	Elcom“ doo Tuzla	„Konvar“ doo Sarajevo	„Spot 97“ doo Sarajevo
1.	Tačka: 15 TD: Pismena izjava ponuđača iz člana 52. Zakona o javnim nabavkama – Aneks VIII; Prilog 5.	DA	DA	DA	DA	DA
3.	Tačka: 16.TD pod 1: Obrazac za ponudu – Aneks II; Prilog 1.	DA	DA	DA	DA	DA
3.1	Tačka: 16.TD pod 1.1.: Popis dokumenata uz ponudu koji čini sadržaj ponude – Aneks II; Prilog 1	DA	DA	DA	DA	DA
4.	Tačka: 20 TD: Obrazac za cijenu ponude – Aneks III; Prilog 2	Ponuđena oprema nije u skladu sa zahtjevima iz TD	Ponude na oprema nije u skladu sa zahtjevima iz TD	Ponude na oprema nije u skladu sa zahtjevima iz TD	DA	Izvršena ispravka u obrascu za cijenu ponude, koja nije urađena u skladu sa zahtjevima iz tenderske dokumentacije
5.	Tačka 31 i 36 TD: Nacrt okvirnog sporazuma – Prilog 7.	DA	DA	DA	DA	DA
6.	Tačka: 31 i 37 TD: Nacrt ugovora o javnoj nabavci – Prilog 8.	DA	DA	DA	DA	DA
7.	Tačka: 43 TD: Povjerljive informacije – Prilog 6.	DA	DA	DA	DA	DA

Pregledom ponude ponuđača „Spot 97“ doo Sarajevo konstatovano je da je navedeni ponuđač u dostavljenoj specifikaciji, koja je sastavni dio Obrasca za cijenu ponude – Aneks III, Prilog 2., izvršio ispravke koje nisu urađene skladu za zahtjevima iz tenderske dokumentacije.

Navedene ispravke su urađene na sljedećim stanicama ponude:

- na strani br. 12. ponude, stavka br. 3.13. „*Vakumski trolni kontakter, 400A/12kV, sa pomoćnim kontaktima 8NO+7NC, od kojih su 6NO i 5NC ožičeni, upravljajući napon 230V 50/61 Hz AC. Dimenzije : 38/2x325x280 mm*“, ponuđač uradio ispravku u koloni br. 13. „*Konačna ukupna vrijednost u KM bez PVD-a*“ na način da je ranija cifra prepravljena u novu cifru. Izvršena ispravka nije urađena na zahtijevani način tj. ispravljani podaci nisu precrtani, te ispravka nije potvrđena potpisom i nema datuma izvršene ispravke.
- na strani br. 18. ponude, stavka br. 16. „*Motorno zaštitna sklopka u kućištu sa tasterima 400V, 50Hz, 0,75 kW (1,6-2,5)A Dimenzije : 80,6x145x97,3*“, ponuđač uradio ispravku u koloni br.6 „*Kataloška oznaka*“ na način da je precrtao raniju oznaku i upisao novu te je izvršena ispravka potvrđena potpisom i pečatom ali nema datuma kada je ispravka izvršena.
- na strani br. 19. ponude, stavka br. 24 „*Taster crveni opremljen kontaktima NC-NO struja 6Aφ rupe je 22,3 mm*“, ponuđač uradio ispravku u koloni br.12 „*Konačna jedinična cijena bez popustom ili sa popustom u KM (ukoliko se nudi)*“ na način da je precrtao raniju oznaku i upisao novu te je izvršena ispravka potvrđena potpisom i pečatom ali nema datuma kada je ispravka izvršena.

- na strani br. 19. ponude, stavka br. 25 „*Taster zeleni opremljen kontaktima NC-NO struja 6Aφ rupe je 22,3 mm*“, ponuđač uradio ispravku u koloni br.12 „*Konačna jedinična cijena bez popustom ili sa popustom u KM (ukoliko se nudi)*“ na način da je precrtao raniju oznaku i upisao novu te je izvršena ispravka potvrđena potpisom i pečatom ali nema datuma kada je ispravka izvršena.

Izvršene ispravke nisu urađene na zahtijevani način odnosno ponuđač prilikom vršenja ispravke nije postupio u skladu sa zahtjevima koji su dati u okviru tačke 17.1.5 tenderske dokumentacije a odnose se na „Ispravke u ponudi“, koja jasno i precizno definiše način vršenja ispravki i to: „*Ukoliko ponuđači vrše ispravke u ponudi, iste moraju biti urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke, a sve prema članu 18. stav (1) tačka m) Uputstva za pripremu modela tenderske dokumentacije i ponuda (“Službeni glasnik BiH”, br. 90/14, 20/15). Napomena: Ukoliko ponuđač prilikom pripremanja ponude napravi ispravku, istu ispravlja na način da navedene podatke prekriži, ali da isti ostanu vidljivi, zatim navodi nove podatke i iste potvrđuje potpisom i datumom izvršene ispravke.*“

Na osnovu navedenog, Komisija konstatuje da ponuda ponuđača „**Spot 97**“ doo Sarajevo ne ispunjava zahtjeve ugovornog organa tražene tenderskom dokumentacijom, zbog čega se ponuda ovog ponuđača odbacuje kao neprihvatljiva, a sve u skladu sa članom 68. stav (4) pod i) ZJN i neće biti predmet daljeg razmatranja.

Pregledom ponude ponuđača „Nexen“ Banja Luka, „Elcom“ doo Tuzla i „Deling“ doo Tuzla od strane stručnih lica konstatovano je da isti nisu ispunili zahtjeve iz tačke 7. Tenderske dokumentacije „Opis predmeta nabavke“ i to:

-Ponuđač „Nexen d.o.o. Banja Luka:

- Za stavku br. 6 specifikacije neispravna kataloška oznaka: napisana kataloška oznaka je neadekvatna, jer se u dostupnoj kataloškoj dokumentaciji ne može naći oprema tehničkih karakteristika zahtijevanih tenderskom dokumentacijom.
- Za stavku br. 11 specifikacije: tražen je niskonaponski 3P kompaktni prekidač sa termičkom i prekostrujnom zaštitom sa mogućnošću podešavanja termičkog okidača od 250 – 630 A. Ponuđen je termički okidač sa mogućnošću podešenja 300-630 A, što ne zadovoljava zahtjeve tehničke specifikacije.

Ponuđač „Elcom“ d.o.o. Tuzla:

- Za stavku br. 1.10 specifikacije: tražen je bimetalni relej sa mogućnošću podešenja 20-32A. Pod ponuđenom kataloškom oznakom, u dostupnoj kataloškoj dokumentaciji, ne može se naći oprema koja zadovoljava zahtijevani opseg podešenja.
- Za stavku br. 1.14 specifikacije: prema dostavljenoj kataloškoj oznaci, koja je nepotpuna, opisana je serija proizvoda u kojoj se, u dostupnoj kataloškoj dokumentaciji, ne može naći uređaj zahtjevanog opsega.
- Za stavke 1.15 i 1.16 specifikacije: prema dostavljenim kataloškim oznakama, koje su nepotpune, opisane su serije proizvoda u kojima se, u dostupnoj kataloškoj dokumentaciji, ne mogu naći uređaji zahtijevanih opsega podešenja.
- Za stavke 3.5 i 3.6 specifikacije: prema kataloškoj oznaci ponuđeni su kontakteri bez pomoćnih kontakata, a tenderskom dokumentacijom zahtijevani su kontakteri sa pomoćnim kontaktima 2NO+2NC.

Ponuđač „Deling“ d.o.o Tuzla:

- Za stavku 1.9 specifikacije: tražen je bimetal sa strujnim opsegom 16-25 A, a prema ponudenoj kataloškoj oznaci za datu stavku definisan je bimetal sa strujnim opsegom 12,5-20 A, što ne zadovoljava zahtjeve iz TD.
- Za stavku 1.12 specifikacije: tražen je bimetal sa strujnim opsegom 50-63 A, a prema ponudenoj kataloškoj oznaci za datu stavku nepravilno je definisan bimetal sa strujnim opsegom 63-80 A, što svakako ne zadovoljava zahtjeve iz TD.
- Za stavku 1.13 specifikacije: upisana je pogrešna kataloška oznaka.
- Za stavku br. 3.1 specifikacije: ponuđen je kontakter koji ima samo 1 pomoćni kontakt;
- Za stavke br.: 3.2, 3.3, 3.4, 3.5, 3.11 i 3.12 specifikacije: ponuđeni su kontakti koji nemaju zahtijevani broj pomoćnih kontakata; za sve navedene stavke zahtijevani su kontakti koji imaju pomoćne kontakte 2NO i 2NC

Na osnovu navedenog konstatovano je da ponuđači „Nexen“ Banja Luka, „Elcom“ doo Tuzla i „Deling“ doo Tuzla ne ispunjavaju zahtjeve ugovornog organa definisane tenderskom dokumentacijom, zbog čega se ponude ovih ponuđača smatraju neprihvatljivim i iste se potpuno odbacuju, te nisu predmet daljeg razmatranja, a sve u skladu sa članom 68. stav (4) pod i) Zakona o javnim nabavkama.

Komisija konstatuje da je ponuđač „Konvar“ d.o.o. Sarajevo dostavio ostalu zahtijevanu dokumentaciju kako je navedeno u tabelarnom prikazu, te je od strane stručnih lica za predmetnu nabavku konstatovano da je navedeni ponuđač ispunio sve postavljene tehničke zahtjeve, zahtjeve u pogledu opisa predmeta nabavke i tehničke specifikacije.

Računskom kontrolom specifikacije ponuda ponuđača „Konvar“ d.o.o. Sarajevo konstatovano je da postoji greška računске prirode i to:

U specifikaciji na strani 29. ponude, red br 2.1 u koloni 10 „Ukupna vrijednost u KM bez PDV-a“ treba da stoji 106,35 KM umjesto 361,35 KM tako da u koloni 13 „Konačna ukupna vrijednost u KM bez PDV-a“ treba da stoji 106,35 KM umjesto 361,35 KM.

U specifikaciji na strani 29. ponude, red br. 2.2 u koloni 10 „Ukupna vrijednost u KM bez PDV-a“ treba da stoji 106,35 KM umjesto 361,35 KM tako da u koloni 13 „Konačna ukupna vrijednost u KM bez PDV-a“ treba da stoji 106,35 KM umjesto 361,35 KM.

Na osnovu navedenog **ukupna cijena** ponude bez PDV-a iznosi **84.231,20 KM** a ne 84.741,20 KM kako je navedeno u ponudi.

Obzirom na navedeno, dana 25.06.2019. godine ponuđaču „Konvar“ d.o.o. Sarajevo je upućen zahtjev (broj 5410/1 JN/2019) za ispravku greške računске prirode. Dana 26.06.2019. godine od strane ponuđača „Konvar“ d.o.o. Sarajevo je dostavljen dopis o prihvatanju ispravke računске greške.

Ugovorni organ dodjeljuje ugovor na osnovu sljedećeg kriterija: Najniža cijena (čl. 64. stav 1. tačka b) ZJN).

Tačkom 25. tenderske dokumentacije je predviđeno provođenje e-aukcije. U skladu sa navedenom tačkom, prije zakazivanja e-aukcije ugovorni organ u sistem e-Nabavke unosi sve prihvatljive ponude.

Tenderskom dokumentacijom je predviđena primjena e-aukcije, a obzirom da je pristigla samo jedna prihvatljiva ponuda, to se u skladu sa članom 3. stav (3) Pravilnika o uslovima i načinu korištenja e-aukcije (Sl. glasnik BiH broj 66/16) e-aukcija ne može zakazati, nego će se postupak okončati u skladu sa članom 69. stav (1) tačka b) Zakona o javnim nabavkama.

Vrijednost ponude ponuđača „Konvar“ d.o.o. Sarajevo iznosi 84.231,20 KM bez PDV-a.

Iz gore navedenih razloga, primjenom člana 64. stav 1. tačka b) ZJN, donesena je Odluka o izboru najpovoljnijeg ponuđača kao u članu 1. ove odluke.

Pouka o pravnom lijeku :

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti :
- Ponuđaču
- a/a



v.d. Direktor

Enver Hadžiahmetović, dipl.ing.maš.